

845.1
4403.2
1:1

足本
蘇
廷
泉
全
集

大東書局印行

重編蘇老泉全集序

學不可以已也。中庸有曰：「或生而知之，或學而知之，或困而知之；及其知之，一也。」是則非學無以求其知，而非生知不可以無學也。且孔子曰：「我非生而知之者，好古敏以求之者也。」所謂好古敏以求之者，非學而何？以天縱之聖，而猶必於學，況未至於聖而爲中人以下者乎？學固不可以已也。

生知者不得而見之，學知者亦尙矣；獨困而知之者，未之有也。於宋有蘇明允者，年二十七而始發憤爲學；及其有成，至於究極天人之際，發揮六經之蘊，而其文汪洋恣肆，雄奇瑰偉，上足以追賈董，下足以抗韓歐。蓋其爲學也晚，有合乎孔子所謂「不憤不啓，不悱不發」其爲學也精，又合乎詩所謂「如切如磋，如琢如磨」宜其成就如是，而爲文學之儒也。豈非困而知之者歟？

噫！學不可以已也。困而不學，以自暴棄者，且爲蘇氏之罪人矣。編次全集既竣，識之如此，將與吾同學共勉之！

重編蘇老泉全集序

中華民國二十四年十一月，沈卓然序於海上。

原序

宋承五代之後，文氣卑靡；自廬陵歐陽氏、宗昌黎先生之學，以爲古文，而後天下翕然知通經學古爲高。然求其接迹廬陵，如針芥之相合，水乳之交融者，尤必推眉山蘇氏父子間也。二蘇具天授之雄才，而又得老泉先生爲之先引，其能卓然成一家言，不足異也。老泉先生中年奮發，無所師承，而能以其文抗衡韓歐，以傳之二子，斯足異已。間嘗取先生之文而讀之，大約以雄邁之氣，堅老之筆，而發爲汪洋恣肆之文。上之究極天人，次之修明經術；而其於國家盛衰之故，尤往往淋漓感慨於翰墨間。先生之文，蓋能馳騁於孟劉賈董之間，而自成一家者也。可不謂純而肆者歟？

然如此者，有本有原。觀先生上歐陽內翰書云：「始之屢躓而益困也，盡焚其平昔之文，以爲不足學也；而益力於古人之文章，始則惶然以疑，既而胸中豁然以明。久之渾渾乎覺其來之之易。」蓋先生自言其俗學之不足尚，而用力於古之難如此。昌黎先生云：「無誘於勢利，無望其速成，養其根而俟其實，加其膏而希其光。」其先生

之學之所由成，其卽先生之文之不可及歟？

然則以先生而上繼韓歐，下開長公昆仲，殆不足爲先生異矣。予不敏，不能仰窺先生之文於萬一；惟思先生之才，尙好學不倦如此，則凡才之遠不及先生者，更宜何如也？集旣刊成，爰書數言以自勉云。

康熙三十七年，相月旣望，吳郡後學邵仁泓謹序。

蘇老泉先生全集凡例

一、宋儒多稱老蘇先生文集有二十卷，而成泓刻本止十五卷；後啓禎本有十六卷。其原本二十卷，余嘗購求其本，而未能得也。丁丑冬，始獲於其清陸丈家，乃知行本十六卷，即古本約之者也。因雕已成半，未便重依宋本爲式。

一、老泉先生諡法三卷，久未刊行；今依宋本分爲四卷，不敢有異於前人也。

一、老泉先生年譜，據四庫存目，有孫汝聽三蘇年表一卷，以王宗稷別輯東坡年譜，書遂不傳，今獨顧濱年表猶存而已。茲取先生所爲文，與其他傳記參互考較，成年譜一卷，附之本集。

一、老蘇先生集，向名嘉祐，今依宋本稱爲蘇老泉先生全集。

蘇老泉本傳 宋史

蘇洵，字明允，眉山人。數舉進士賢良，不中。當至和嘉祐間，偕其子軾、轍至京師。翰林學士歐陽修得洵權書衡論策二十二篇，大愛其文辭，以爲雖賈誼、劉向不過也。以其書獻，得召試，而洵不就。除祕書省校書郎。會詔集建隆以來禮書，乃以爲霸州文安縣主簿，與陳州項城令姚闢同編纂爲太常因革禮一百卷。書方成，奏未報而洵卒。實治平三年戊申四月也。享年五十有八。上聞而哀之，特贈光祿寺丞，敕有司具舟載其喪歸於蜀。所著文集二十卷，諡注三卷。

蘇老泉年譜序

眉山之山甚奇，而三蘇父子生於其間，以能文稱後世，則更奇。——三蘇父子者，父蘇洵，老泉，子軾，子瞻，轍，子由，蜀之眉山人也。——二子稟天授之才，能承家學，雖奇而老泉少不喜學，及壯發憤，卒以大成，則奇之尤奇。讀其遺文，而後知其志之堅確，意之精一，有出庸常之表，故能絕類軼羣，如此其至也。向使先生不知自奮於中歲，則亦爲田舍翁，以終老於蓬蒿間，雖二子天授之才，而先生不爲之先，又奚能並稱三蘇，聲施後世，以與眉之山長存也哉？

先生爲學本末，與夫平生出處之間，其見於宋史本傳者頗略，患無詳贍之史實，可得而攷焉。四庫書目錄有孫汝聽三蘇年表一卷，以王宗稷別輯東坡年譜，書遂不傳，今獨穎濱年表猶存而已。用是不揣謏陋，以晨夕之暇，取先生所爲文，與其他傳記參互攷較，分年隸事，而後先生之年譜以具。

蓋譜者，紀事之書，史之流亞也。先生固精於此矣，（文集有譜一卷）余生千載之

後，誠何足以知先生？亦惟是稽之以求其確，闕之以存其疑，而不敢魯莽爲之，以慰先生於九原也。書旣成，因識於端。

中華民國二十有四年八月，會稽沈卓然自敘。

蘇老泉年譜

會稽沈卓然輯

起宋真宗大中祥符二年訖宋英宗治平三年

先生名洵字明允姓蘇氏老泉其號也蜀之眉州眉山入其先出於高陽氏之苗裔至唐益州長史味道卒於官其子留居於眉焉曾大父祐妣李氏大父杲妣宋氏祐與杲當五季時孟氏據蜀均不仕後以軾轍貴推恩三世杲贈太子太保宋氏追封昌國夫人父序以子渙登朝授大理評事初贈尚書職方員外郎再贈太子太傅妣史氏初封蓬萊縣太君追封嘉國夫人兄澹渙並以文學舉進士渙早卒渙仕至提點利州路刑獄先生蓋聯方君季子也

宋真宗大中祥符二年己酉先生生張方平墓表云「以疾卒享年五十有八實治平三年四月」以卒年推生年而知爲生於是歲也按先生蘇氏族譜云「蘇氏出自高陽而蔓延於天下唐神龍初長史味道眉山州卒於官一子留於眉眉之有蘇氏自是始一則自唐代始居於蜀爲眉山人也又族譜後錄云「蘇氏之先出於高陽高陽之子曰稱稱之子曰老童老童生重黎及吳回重黎爲帝嚳火正曰祝融以罪誅其後爲司馬氏而其弟吳回復爲火正吳回生陸終陸終生子六人長曰樊爲昆吾次曰惠連爲參胡次曰錢爲彭祖次曰來言爲會人次曰安爲曹姓季曰惠連爲羊姓六人者皆有後其後各分爲數姓昆吾始姓己氏其後爲蘇顧溫董當夏之時昆吾爲諸侯伯歷商而昆吾之後無聞至周有忿生爲司寇能平刑以教百姓周公稱之蓋書所謂「司寇蘇公」者也司寇蘇公與檀伯達皆封於河世世仕周家於其封故河南河內皆有蘇氏六國之際秦及代厲其苗裔也至漢興而蘇氏始徙入秦或曰「高祖從天下豪傑以實關中而蘇氏遷焉」其後曰建家於長安杜陵武帝時爲將以擊匈奴有功封平陵侯其後世遂家於其封建生三子長曰嘉次曰武次曰賢

蘇老泉年譜

二

嘉爲奉車都尉，其六世孫純爲南陽太守，生子曰章，當順帝時爲冀州刺史，又遷爲并州，有功於其人，其子孫遂家於趙州，其後至唐武后之世，有味道者，味道，聖曆初爲鳳閣侍郎，以貶爲眉州刺史，遷爲益州長史，未行而卒，有子一人不能歸，遂家焉，故眉之蘇皆宗益州長史味道。一其敘蘇氏所自出，與其遷徙所由，抑亦詳矣。

三年，庚戌，二歲。

四年，辛亥，三歲。

五年，壬子，四歲。

六年，癸丑，五歲。

七年，甲寅，六歲。

五年，一可知。

八年，乙卯，七歲。

九年，丙辰，八歲。

天禧元年，丁巳，九歲。

二年，戊午，十歲。

三年，己未，十一歲。

四年，庚申，十二歲。

五年，辛酉，十三歲。

乾興元年，壬戌，十四歲。

仁宗天聖元年，癸亥，十五歲。

春二月，真宗崩，仁宗卽位。

是歲姪位生，長兄澹子也。按位歿於嘉祐五年六月，先生文集有祭姪位文曰：「汝之生，後余

二年甲子十六歲。

三年乙丑十七歲。

四年丙寅十八歲。

五年丁卯十九歲。

六年戊辰二十歲。

七年己巳二十一歲。

八年庚午二十二歲。

九年辛未二十三歲。

十年壬申二十四歲。

十一年癸酉二十五歲。

十二年甲戌二十六歲。

十三年乙亥二十七歲。

十四年丙子二十八歲。

十五年丁丑二十九歲。

十六年戊寅三十歲。

十七年己卯三十一歲。

十八年庚辰三十二歲。

十九年辛巳三十三歲。

二十年壬午三十四歲。

二十一年癸未三十五歲。

是歲夫人程氏來歸。按司馬光武陽縣君墓誌銘曰：一夫人姓程氏，眉山大理寺丞文應之女，生十八年歸蘇氏。一考夫人之年少於先生一歲，則知爲是年也。

六年戊辰二十歲，是歲生長女，旋夭。按樂院造六菩薩記曰：一始予少年時，父母俱存，兄弟妻子備具，終日嬉遊，不知有死生之悲。自長女之夭，不四五年而丁母夫人之憂，蓋年二十有四矣。一故長女疑卽是歲生，旋以夭殤也。

七年己巳二十一歲，按題張仙畫像云：一洵嘗於天聖庚午重九日，至玉局觀，無礙子卦肆，見一畫像，筆法清奇，乃云：『張仙也，有威必應。』因解玉環易之。洵尙無子嗣，每旦必露香以告，數年既得職，又得轍，一則其長子景先，或於明道間生也。

九年辛未二十三歲，明道元年壬申二十四歲，是歲母史氏卒。按族譜後錄下篇云：一先公十五年而卒，追封蓬萊縣太君，一與樞

樂院造六菩薩記云：一有長女之夭，不四五年而丁母夫人之憂，蓋年二十有四矣。一相合其後十五載而有父職，方君序之喪焉。

二年乙亥，二十七歲。

是歲先生始發憤爲學。按武陽縣君墓誌銘云：「府君年二十七猶不學，一日慨然謂夫

人曰：『吾自視今猶可學，然家待我而生，學且廢生，奈何？』夫人曰：『我欲言之久矣，惡使子爲我而學者，子苟有志，以生累我可也。』即聲出服玩帶之以治生，不數年遂爲富家。府君由是復專志於學，卒成大儒。」觀

此則先生雖自發憤於一旦，而得以專精於學者，亦賴夫人內助之賢也。

三年丙子，二十八歲。

是歲長兄澹卒。冬十二月十九日子軾生。

四年丁丑，二十九歲。

是歲舉進士不中，歸益閉戶讀書。按歐陽修老泉先生墓誌銘云：「君少獨不喜學，年已

壯，猶不知書。職方君縱而不問，鄉閭親族皆怪之，或問其故，職方君笑而不答，亦自如也。年二十七始大發憤，謝其素所往來少年，閉戶讀書爲文辭，歲餘舉進士再不中，又舉茂才異等，又不中，退而歎曰：『此不足爲吾

學也。』悉取所爲文數百篇焚之，益閉戶讀書。」長子景先夭亡。按極樂院造六菩薩記云：「其後五年而

喪兄希白，又一年而長子死。」希白者長兄澹字也。前歲澹卒則景先死於是歲，惟生年不可明耳。

寶元元年戊寅，三十歲。

二年己卯，三十一歲。春二月二十日子軾生。文集有名二子說一首，當作於軾生之後，或在是年也。

康定元年庚辰，三十二歲。

慶曆元年辛巳，三十三歲。是歲幼姊亡。按極樂院造六菩薩記云：「後五年而喪兄希白，又一年而長子死，又

四年而幼姊亡，又五年而次女卒。」蓋謂兄澹卒於丙子，長子景先夭於丁丑，次女卒於此後五年丙戌，而幼

姊則亡於是歲也。

二年壬午，三十四歲。

三年癸未，三十五歲。

三年癸未，三十五歲。

三年癸未，三十五歲。

四年甲申三十六歲。自景祐二年乙亥至是，先生蓋已殫精於學十年矣，乃始爲文，以發其所蘊蓄。文集幾策，權書衡論六經論太玄論，供範論史論等篇，雖非作於一時，然皆此後所作，可以無疑。按其後與雷太簡書云：「嚮者權書衡論幾策，皆僕閒君之所爲。」又於上歐陽內翰第一書云：「洵少年不學生二十五歲始知讀書，從士君子遊，而又不刻意勵行，以古人自期，而視與己同列者皆不勝己，則遂以爲可矣。其後困益甚，然每取古人之文而讀之，始覺其出言用意與己大別，時復內顧其才，則又似夫不遂止於是而已者。由是盡燒曩時所爲文數百篇，取論語孟子韓子及其他聖人賢人之文而兀然端坐，終日以讀之者七八年。方其始也，入其中而惶然，博觀於其外而駭然以驚，及其久也，讀之益精，而其胸中豁然以明，若人之言固當然者，然猶未敢有出其言也。時既久，胸中之言日益多，不能自制，試出而書之，已而再三讀之，渾渾乎覺其來之易矣，然猶未敢以爲是也。近所爲供範論史論凡七篇，執事觀其如何？」讀此可知其十年來之堅苦卓絕，非先生不能自道，不然則誰其知之邪？

五年乙酉三十七歲。按蘇子由東坡墓誌銘云：「公生十年，而先君宦學四方。」蓋是歲去蜀宦學，第所適何方，未能考見矣。

六年丙戌三十八歲。是歲次女卒。

七年丁亥三十九歲。是歲遊京師，舉進士不中，遂適虔州，以父職方君卒，自虔回蜀。按先生前年去蜀宦學，是歲至京師，再舉進士，不中，遂適虔州，聞父卒而回蜀也。後十年上歐陽內翰第一書云：「洵在京師，親見其事。」又云：「退而處十年，一可徵。」又祭史彥輔文曰：「旅遊王城，飲食寤寐，相待以安，慶曆丁亥，詔策告罷，余將西轍，慨然有懷，吾親老矣，甘旨未完，往從南公奔走乞假，遂至於虔……及秋八月，余將北歸，亦既具船，有書晨至，開視驚叫，遂丁大艱。」蓋敘自京至虔，在虔丁憂，繼悉都盡矣。又族譜後錄下篇云：「先子諱序，字仲先，

生於開寶六年而歿於慶曆七年。祭史觀察家母文則曰：「始自丁亥，天崩地坼，先君歿世。」職方君歿當在是歲確矣。

八年戊子四十歲。在蜀居父喪。按孫汝聽穎濱年表云：「八年戊子，父洵以家艱閉戶讀書，因以學術授二子曰：『是庶幾能明吾學者。』」觀此，則自此歲起，並在蜀家居，以學術授二子也。

皇祐元年己丑四十一歲。

二年庚寅四十二歲。

三年辛卯四十三歲。

四年壬辰四十四歲。

五年癸巳四十五歲。

是歲幼女死。按武陽縣君墓誌銘云：「幼女有夫人之風，能屬文，年十九，既嫁而卒。」推其生年，當長於東坡一歲，而題張仙畫像謂「尙無子嗣」，惟其後生長子景先，不知在何歲。然幼女生於乙亥，東坡生於丙子，則可確然無疑。而景先於東坡生之明年夭亡，則爲丁丑，故於題張仙畫像僅言「軾轍不言景先」，意爲是耳。

至和元年甲午四十六歲。

是歲有長姊之喪。按極樂院造六菩薩記云：「又六年而失其幼女，服未既而有長姊之喪。」不在是歲，則在去年。惟長姊與幼姊孰爲任氏姊，無可考。然觀察任氏姊文有曰：「姊之未亡，洵作族譜。」則任氏姊似卽長姊，而族譜蓋作於任氏姊未亡之前。其族譜後錄二篇，則在次年續纂者也。

二年乙未四十七歲。

秋九月纂蘇氏族譜後錄上下篇成。惟譜例及蘇氏族譜據祭任氏姊文，可知在前歲作。至大宗譜法、蘇氏族譜亭記二篇，或非同時所作，未可知也。

嘉祐元年丙申四十八歲。

是歲三月，將與二子遊京師，先有上張侍郎書，略云：「洵今年幾五十，以顛鈍廢於

世，誓將絕進取之意，惟此二子，不忍使之復爲漚鬱棄置之人。今年三月，將與之如京師。又顧濱年表，嘉祐元年丙申，亦云：「是春，轍父子三人同遊京師，過咸都，謁知益州張方平」，而墓表又云：「初，君將遊京師，過益州，與僕別，且見其軾轍及其文卷，曰：『二子將從鄉舉，可哉！』僕披其卷，曰：『從鄉舉，乘驥驥而馳，聞巷也。六科所以拔英俊，君二子從此選，猶不足驕其逸力耳。』」又本傳謂：「至和嘉祐間，偕其二子軾轍至京師。」則以是年九月始改元，故曰「至和嘉祐間」一耳。將至長安，有與王長安書，赴京途中，作上田待制詩。又途次長安，上都傳諫議詩。上韓惲密書。上宮丞相書。上文丞相書。上歐陽內翰第一書。獻洪範論史論等七篇。上田樞密書。上余青州書。送石昌言使北。按東坡年譜，嘉祐元年丙申，有一寫老蘇，送石舍人序，「蓋卽此文」。與陳景同詩。歐陽永叔白兔詩。答二任詩。按諸書，皆至京師後所上，惟先後次第則無可考，而與陳景同詩以下，亦至京後作，故於答二任詩云：「昨者入京，洛文章被人誇一也。」撰張益州畫像記，記曰：「至和元年秋，蜀人傳言有寇至。」又曰：「明年正月朔旦，相慶如他日，遂以無事。」又明年正月，相告留公像於淨衆寺。「按自至和元年至此年，爲嘉祐元年，然文作於未改元前，故不云嘉祐，且疑爲在蜀時作也。」

二年丁酉，四十九歲。春三月，二子軾轍同登進士第。上歐陽內翰第二書。與韓舍人書。夏四月，癸丑，夫人程氏卒。先生自京師回蜀，二子亦以母憂偕歸。按武陽縣君墓誌銘云：「夫人以嘉祐二年四月癸丑終於鄉里，其年十二月庚子葬於彭山縣安鎮鄉，可龍里享年四十八。」軾登朝，進封武陽縣君。「按夫人享年四十八，是歲先生四十九，則夫人少一歲，蓋生於宋真宗大中祥符三年庚戌也。」上歐陽內翰第三書。與吳殿院書。按二書皆歸蜀後所作。冬十二月庚子，葬夫人程氏。按其後十年，治平三年四月，先生卒於京師，其喪回蜀，遂與夫人合葬焉。祭亡妻文。老翁井銘。按此蓋卜葬夫人時作。

三年戊戌五十歲。先生在蜀家居。冬以歐陽修薦召試紫微閣，不就。按本傳云：「翰林學士歐陽修得洵權書，衡論策二十二篇，大愛其文辭，以爲雖劉向、賈誼不過也。」蓋歐公以先生文獻於朝而薦之，故得召試也。其薦表略云：「伏見眉州布衣蘇洵，履行純固，性識明達，亦嘗一舉有司，不中，遂退而力學，其議論精於物理，而善識變機，文章不爲空言，而宜於今實有用之言，非特能文之士也。其人文行久爲鄉閭所稱，而守道安貧，不營仕進，苟無薦引，則遂棄於聖時。其所撰書二十篇，謹隨狀上進。」云云。先生既不就試，乃上皇帝書，言十事，按梅聖俞書有云：「自離京師行已二年，不意朝廷尙未見遺，以其不肖之文，猶有可者，前月承本州發遣赴闕就試，聖俞有思，僕豈欲試者，惟其平生不能區區附會有司之尺度，是以至此窮困。今乃以五十衰病之身，奔走萬里以就試，不亦爲山林之士所輕笑哉！」又云：「昨適有病，遂以此辭，然恐無以上答朝廷之恩，因爲上皇帝書一通以進。」與雷太簡書按亦言召試不就之意，皆是多作。

四年己亥五十一歲。上歐陽內翰第四書，略云：「洵久不奉書，非敢有懈，以爲用公之奏而得召，恐有私謝之嫌。今者洵既不行，而朝廷又欲必致之，恐聽者之不察，以爲匹夫而要君命，苟以爲高而求名，亦且得罪於門下，故略陳一二以曉左右。」又云：「始公進其文自丙申之秋，至戊戌之冬，凡七百餘日而得召，朝廷之事，其節目期限，如此之繁且久也。」又云：「今歲之秋，軾輒已服闋，亦不可不與之俱，東恐內翰怪其久而不來，是以略陳其意。」按東坡年譜嘉祐四年己亥云：「是歲先生年二十四，服除十二月，侍老蘇舟行適楚。」又顧年表云：「四年己亥，待父遊京師。」又云：「五年庚子，自江陵至京師。」蓋先生先有適楚之行，而於次歲至京師，則與上歐公書所云皆同也。撰丹稜楊君墓誌銘，又有與楊師推書，論撰墓誌銘事。

五年庚子五十二歲。是歲以再召試不就，除秘書省校書郎，與二子軾、轍至京師。按與趙司諫書有云：「頃以校書郎見授」是也。尋以爲蜀州文安縣主簿，與陳州項城令姚闢同編纂太常禮書，因上議修禮書狀。